



Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко“ Крыница.

Пренумерата в краю:
50 грошей місячно,
2.50 зол. полрочно,
5 зл. рочно.
В Америці: 1 дол. полрочно,
2 дол. рочно.
В Чехословакии:
3 кор. місячно, 15 кор. полрочно,
30 кор. рочно.
Кonto чековое №. 404.155.

От редакции:

От самого початку, от коли начала виходити газета „Лемко“ многы наши подписчыкы ждали, штобы выдавати ю каждого тыждня. Жаданя того совсім оправдане, бо газда занятый цілый тыждень роботами в полю, мае хвилию свободного часу в неділю, хотілбы собі перечытати газету.

Здаючы собі справу з той потреби шыроких мас подписчыков, редакция распочынат выдавати газету каждого тыждня. Через того однак увеличылся кошт издавництва—длятого и пренумерата мусит быти высша. Буде она выносити місячно 50 гр. полрочно 2.50 зл. рочно 5 зл. В том року пренумерата до конца року выносит 4 зл.

Редакция высылат чеки и просит вшытких тых, котры не уплатили ищы пренумераты, уплатити ю в высоті 4 злотых, зас тых, котры уж уплатили выровнати до сумы 4 зл.

Редакция припоминат, што в лотерии, котра отбудеся дня 15 липня т. р. и о котрой писали мы в минувшом номері, могут взяти участь лем тоты подписчыкы, котры уплатят в термині до конца червня цілорочну пренумерату. Лотерийны билеты розошле редакция в номері Лемка з дня 5 липня 1934.

Ци буде ліпше на селі.

Вшыткы нарікают на тяжкы часы, але найтяжше жыеся днеска хлопу на селі. Вшытко того, што он мае на продаж ест туне и не стоит в жадной пропорции до цін тых товаров, котры газда мусит куповати.

З того здавалобсыя, же газда ест лишены сам собі, и же о него никто в державі не дбат. Тымчасом так не ест. В Полщі, яко в державі рольничой, рольництво и село сут основом силы державы, и тому то правительство слідит и интересуеся сильно тым вшыткым што діеся тепер на селі. Кризис вытворил трудне положеня; под тягаром того положеня село угынатся от 4 літ. Под вліяньом світового пониженя цін и перешкод, ставяных вывозови рольных продуктов, доходы рольництва в Польщі обнижылися о 40%. Яко непосредне наслідство пониженя того доходу села наши и газдове зодолжылися так сильно, же не могут сплатити своих передкризисовых дсглов. Тото отбылося не лем на газдах, котры тяжко борются зо своим положеньом, але также и на тых

кредиторах, котры уділяли газдам кредиту и на общегосподарчых интересах краю, бо яко дальше послідство того положеня выступило пониженя можности плаченя податков и пониженя снла купна. Село, котре в добрых часах куповало около 30% спродованых товаров промышленных, тепер не купуе праві нич. Видно з того, же на упадку хлопа тратят вшыткы.

Але кризис потянул за собом ищы и другы шкодливы для рольництва послідства. Он загамовал акцию над направом самого устрою рольного. З конечности по причині помешеных средств финансовых ограничено роботы в области парцеляции, мелиорации и комасации грунтов, а тото зас потягнуло за собом ряд трудностей натуре политической и господарчой.

Тоты трудности сталися причыном, же зараз в першых місяцах кризиса треба было приступити до ратованя рольництва. Ацию такую подняло правительство и веде ю коштом великих средств финансовых. Дуже ест медже нами таких, котры нарікаючы на біду, не знают, килько то иде грошей на сам вывоз зерна заграницю. Самы кошты, звязаны з экспортом (вывозом) зерна и других рольных продуктов выносят 50 миллионов злотых, отже тилько, килько выносит в цілой державі основной податок грунтовый. Ация ратовничя рольництва коштуе тепер больше, як доход з того рольництва, але ратовати мусится, бо без того ратунку послідства кризиса рольного увеличылибсыя ищы значно.

Ратовати треба конечно, бо псказалося, же тот ратунок дае добры результаты, же уж пришол час, коли можна буде приступити до другой великой акции в рольництві котру кризис загамовал, а именно до парцеляции, мелиорации и комасации грунтов.

В попередном номері „Лемка“ подано о пляні реформ рольных, які маот быти переведены в найблизшых пятох роках.

Плян тот предвиджуе парцеляцию великих маэтков, мелиорацию и комасацию грунтов. Парцеляция мае дати землю безработным сельским людям, а комасация и мелиорация мае поправити грунты и поднести доходы з господарств.

Видно з того, же може и на селі дождемся ліпшых часов. Поправа не приде нагло, але уж днеска можна сподіватися и тішыти хоц тым, же найбільша біда уж минула.

Проект закону о клясификации грунтов.

Державный податок грунтовый вызначатся до тепер на основі старых законов и длятого тот податок эст инакшый у нас, а инакшый в других ділницах. Клясификацию грунтов для ціли выміру податку грунтового переведено перед 100 роками. От того часу змінилися отношеня господарчы и в звязи з тым змінилися также доходы з тых господарств. Клясификация тота дотычыт переважно наших горских сел, де газдове мают дост дуже грунту, але планного, а мусят платити податкы в той самой высоті як и от грунтов добрых.

В ціли устраниеня того нераціонального стану річи Министерство Скарбу приготовило проект закона о новой клясификации грунтов. Частично такую клясификацию перевело и переводит Министерство Рольництва для цілей реформы рольной и комасации грунтов. Може сподіватися, што по переведеню той клясификации податкы от грунтов положеных в горах обнижатся.

Украинска ненависть и злость.

Вшыткы, котры были на Талергофском Зізді во Львові дня 31 мая т. р. виділи наочно, што на тот зїзд приїхало барз дуже людей; чысло участников подают польскы газеты на около 16 тысяч. Лем тоты, котры в 1914 р. выдавали нас рускых галичан и лемков на распяте и муки, тоты, котры разом з ворогами словян, німцами и мадярами співали нам втотчас панихиду, тоты, котры и по смерти мамуні Австрии дальше продолжают нас чернити, тоты наши братья выродкы подают во вшытких своих газетах, што на Талергофском Зізді было не полных 3500 людей и што тот зїзд ест доказом цілковитого банкротства „москвофильской партии“.

Знаме добрі чом и для кого так пишешя. Пишешя тото для тых, кто не был на талергофском торжестві, бо лем тоты могут повірити в такую брехню. Пишешя тото длятого,

шгобы брехливым способом выказати, што руска идея не существує уж серед нашого народа и што всяди, где лем поглянеш єст „широка Украина“. Знаме добрі, же тот зїзд не подобался украинцам и они всіма силами старалися не допустити до нею, але помиме рижных брехливых вістей, які о том зїзді роспушчали украинцы (нпр. што зїзда не буде, або што на том зїзді будут бити) зїзд тот выказал, што идея руска єст среди нашого народа природна и правдива и што она не лем не банкротує, але з каждым дньом скріпляєся и грозит банкротством украині.

Не помогут им тысячи насыланных нашим людям украинских газет, бо люде наши освідомлены национально не читают их и не дают баламутитися. Переконалася о том редакция газеты „Наш Лемко“, котра выпустила 1-шого числа 12.000, а послідного лем 800. Пришла сама до переконання, што шкода работы, паперу и грошей, бо лемки, то твердый и розумный народ и знают, до чого хоче их довести „Наш Лемко“. Они отвернулись от той газеты и пренумеруют свою правдиву лемковску газету, „Лемко“ в Крїниці. Не може также друга украинска газета „Продом“, котру друкууют в друкарні Метрополита Шептыцкого, хоц она и прикрыватса рускым плащыком. Збанкротуют они напевно так, як збанкротує их фальшыва идея, котрой не уратуют ани газеты, ани агитаторы.

Мы селяне, участники Талергофского Зїзда во Львові, увидівшы, як руска молодеж студентов, и рускы общества потрудилися для так великого руского свята—Талергофа, на том місци высказуєме слова щырой признательности за порядок и организацию и просиме, штобы такы зїзды устраювати каждого року и то не лем во Львові але также в містах на провинции без взгляда на то, ци тоты зїзды подобаються ци ні нашим выродным братьям.

Мы селяне довідалися во Львові, што повстало нове общество „Муза“, котре має чудесный хор и выдає ноты русских пісен.

Там увиділи мы, што не лем в нашем селі сут рускы, але тых русских приїхало моц з рижных сел и повітов и то так старых, як и молодежи. Чули мы там чудны хоры, котры співали Службу Божу и на концертах, чули мы ек красні грали нашы оркестры и то то вшитко нас селян радує и мы з жальом думали собі, же у нас того вшиткого ніт.

А чомже то не можна организувати также по наших селах: хоры и оркестры. Маєме преці дост интеллигенции, котру належит спровадити до наших лемковских сел, штобы она организувала хоры, оркестры и представлєня и занялася роботом над поднесєньом нашого культурного и экономичного уровня.

Мы хлопы, участники того зїзда завзываєме нашу интеллигенцию, штобы помогла нам устоити ищы в том року талергофский Зїзд в одном селі, найліпше в повіті горлицком для цілой Лемковщины, на котрый зберєся не менше люде, як до Львова. Кто займєся устройством того зїзда, тот заслужит собі на честь и славу! Покажеме нашим ворогам, што мы не банкроты и што их труд убити нас єст напрасный! И так братья в добрый час, бермєся до работы!

Лемко-Хлоп—участник зїзда.

Поміщайте оглошыня в газеті „Лемко“.

Хто хце прислужытиса нашої газеті нехай зберат оголошыня з міст и сел повітов Леско, Сянок, Кросно, Ясло, Горлиці и Ндвий Санч.

Увага Лемки!

Ревизийный Союз Русских Кооперативов во Львові в послідном числі газеты „Земля и Воля“ як тоже в „Кооперативном Вістнику“ чысло 5. объявил што бывший директор „Дністрояна“ Осип Денисюк перешол на службу до украинской кооперации а специально дійствує в украинском „Маслосоюзі“ и предостерегає русских люде, не входити з ним в жадны сношеня.

Понеже довідалися мы, же г-н Денисюк появился на терені Лемковщины в сяноцком и ліском повітах, протое остерегаєме наших люде, кооперативы и иншы общества, жебы з г-ном Денисюком не входили в жадны сношеня и не дали ся обманювати тым, што г-н Денисюк єст человеком рускым — бо таким он перестал быти а украинцы хотят давну рускєсть г-на Денисюка выкористати для ослаблєня наших сил.

Мы от себе пригадуєме г-ну Денисюку справу векслєй кооператива из Кунковы, при котрой члены кооператива благодаря „Дністросяну“ тяжко потерпіли и надіємєся, што Лемки будут стеречиса г-на Денисюка.

Правлєньє Лемковского Союза,

Остереженьє

Украинцы, то барз добры люде. Они так любят нас, што присылают нам задармо газеты и от тых, котры их читают, або ищы напишут до них, што они „справдішні украинці“ заплаты за газету не жадают. Але инакше маєся справа з тым, котры не принимают от них газет и газеты им отсылают. От такых они жадают заплаты. Знаю о том, бо я сам достал таке писмо з редакции „Народной Справы“, котре приведу без змін:

„Львів, в лютім 1934. Чесный громадянин. Багато разів ми пригадували Вам про вирівнаня довгу за „Народну Справу“, багато ми мали видатків на упімненя, то є за папір і почтову оплату, а це все тільки тому, що на разі своїх люде—своих давних передплатників, в так тяжкий час не хотіли наражати на судові кошта, бо віримо у вашу справедливість і честь. І дальше віримо, що добро „Народної Справы“ у Ваших руках не пропаде: І цим разом подаємо до Вашого відомі і ще раз пригадуємо, що за „Народну Справу“ Ви винні 10 зол. 50 ост. Коли за прикро Вам цілу належитість разом вирівнати то можете виплатити якусь часть довгу, щоби ми знали, що Ви яко чесный громадянин не хочете руйнувати отсеї газети, а нас і себе наражати на дальші упімненя, чи то судові кошта.

Остаємо а пошаною, администрація „Народної Справы“ Львів, вул. Руська 18“.

Выходит з того, што нашы люде могут наразитися на скаргы за газеты, котрых не замовляли, не читали и котры отсылали. Тому то остерегаєме наших люде, штобы такы украинскы газеты звертати при свідках и отсылати назад до Львова. Мене цікавит лем едно, откаль то тоты добродіи мают грошы на друк и бесплатну высылку своих газет до русских сел, бо преця то то коштує, друк папер, редакторы и инше.

Може дакто знає най даст знати до Лемка бо я барз цікавий, а всяки „коровячы“

о другы украинскы газеты отсылайте назад до Львова, бо будете мати клопот, як и я.

Лемко з Чарной п. Горлиці.

Бігунка у телят.

В сельских господарствах нїбольше телят родитися иа весну. Але в том часі має рольник дуже работы и про то то мало уваги кладе на малы телята. Послїдства сут тоты, же дуже телят марнуєся по поводу недостатка опікы. Теля оставляться при корові вмїсто штобы поити его з руки, Сут випадкы, же помиме доброй опікы западают телята на бігунку по кількох днях.

Бігунка єст хворота заразлива, котрсї бактерии жыют в навозі. Розумієся, же в стайні, де одно теля захворіло на бігунку и другы заразятся скоро и згынут. Штобы остеречиса перед тым, теля не повинно дотыкатися навозу. В той цілі пореме 2—3 стары мішкы зошываєме з того велику плахту и по зшытю вшиткых дыр, выварюєме ю в кипячой воді. Коли теля має прити на світ, принимаєме его на плахту, а по вылизаню (теля має лжати на плахті) через корову выносимє теля то отдільного царка, выстелєного чыстом, свіжом соломом. В той загороді має теля оставати все. Люде не повинни там входити, штобы не занести навозу, а з ним и заразы. Теля не повинно сосати, лем треба го поити з руки. Бігунку належит отрижнати от розвольненя выкликаного тым, як теля пересосалоса. Тот випадок має місце часто, як теля сосє корову. Тому треба телята при-выкати пити молоко.

Рады для молодят.

Молодый идучы до вінчаня має выгварити 3 раз „Отченаш“ 3 раз „Богородице“ и зробити на порозі цєрки 3 раз знак креста, а буде верховодити жєном.

Молода идучы до вінчаня має отмовити 9 раз „Отшенаш“ „Богородице“ и „Помилуй мя“ и приступити в часі вінчаня лївом ногом ногу молодого, то буде могла мужови розказати хоц за десятым разом.

Коли я ся мал женити
Мал тажкы обряды
Жєбым я мог своей бабі
Завсе дати рады.

Колим я ся выдавала
Тяжком ся мучыла
Так, же моя головонька
Цїлком зосивіла.

Стараламся, смутиламся
Горенком плакала
Жєбы я си хоц раз в році
Хлопу розказала.

Способ, поданный выше яко певный, реко-мендує наш подписчык з Новиці. Поброуйте хлопцы и дівчата и напиште нам потом.



„Бескид“ проливат крокодьячы слезы.

В 14 і 15 ч. в статіях „трагедія расздору“ і „Выбила дванадцета година“ плаче „Бескид“ і проливат крокодьячы слезы над Лемками. Біда повідат — в том, же лемки ни як нехотят повірити в „святу правду“, же в Талергоф сідили украинцы — лем все дают баламутитися таким, котры бесідуют, же в Таларгоф сідили наши рускы люде, найліпшы сыны руского народа, а до тей тюрмы пхали и гнали их брата украинцы. Дальше „Бескид“ подае, же через таке „перекручанье историчной правды“ творится на лемках незгода — котра довела спокойных лемков до того, же выступают они против „идейных священников“ и не хотят их слухати. Наибольше не подабается „Бескидови“ газета „Лемко“ котру называт и масонском и безбожном лем для того, же она помішат дописи против тых украинских священников, котры являются не голосителами Божого слова, але агитаторами украинских идей.

Не входячы в полемику з выводами Бескида“ доносиме ишы раз нашим почтенным читателям, же не выступаме николи ани против церкви, ани против никакой віры. В споры религиозны не мішамеся и не хочемеся мішати. Наша ціль, старатися о поднесенье национального освідомлення и культурного и экономичного уровня, а через того поліпшыти долю наших людей и обезпечыти им добробыт. Бескид зашмарюе Лемкови, же доказом его безбожности и масонства ест то, же не выступат против врагов кат. Церкви и жые в згоді зо шизмагиками, сектактами и безбожниками. На то то можеме отповіти ишы раз, же нас не обходят зовсім никакы споры религиозны, мы знаме и тримамеся Заповіді Христа: „Люби Бога и ближнього“, а ближним нашим ест каждый, кто щыро и охотно хоче служыти нашому народови — и его справам. Против каколицкых священников не выступаме, але будеме клеймити самы поступкы, если тоты поступкы выкликують соблазн и згоршынье. На то то ест газета.

Нищыня осетя.

В р. 1931. выдало Министерство рольництва распоряджыня (Dz. U. R. P. Nr. 41. roz. 363) з дня 27 марта нищыти осетя. Распоряджыня то то наказуе нищыти осетя на своих грунтах и не допустити до того, штобы осетя квитло и выдало насіня. Для тых, котры не нищат осетя на своих грунтах ест предвиджена кара арашту до 6 неділі и грошэвый штраф от 10 зл. до 10.000 зл., або една з тых кар.

Уж 3 roky, як вышло то то заряджыня Министерства, але люде не стосуються до него и через то то могут наразитися на кару. Крім того шкодят собі сами, бо осетя нищыт их землю, пе з ней сокы, потребны рослинам, и земля, где росне осетя стаеся посна и не може дати доброго урожая.

Вынищыти осетя ест трудно, але оплачатся робота, бо то ест найвекшыи злодій рольника.

Штобы его вынищыти треба 1) не допустити до квіту и стинати его, 2) вытинати з коренями, або вытігати найліпше по дсцах, коли земля ест мягка, 3) стинати го не лем на полях, але и на меджах, при дорогах и всяди, где росне, бо насіня осетя вітер переносит далеко. Вынищыти осетя в селі можуть лем выштыкы люде, коли каждый буде счыщал свое поле. Тому то треба робити по селх нарады и взятися до тосо врага рольника, штобы его вынищыти, бо втотчас не лем не будеме платити кар, але достанеме нагороду за роботу, бо наши поля обродят нам ліпше.

Нашым Лешкам.

Радуйся, радуй
Рускый народе
Понад тобою
Сонце погоды.

Понад тобою
Ласка велика
Понад тобою
Божа опіка

Гей, Вы Руснакы
Наша слава жые
Покаль наше вірне сердце
За наш народ бие

Бые, жые дух лемковскый
Бо лемкы нам милы
Громы, пекло, — выштык марне
Против нашой силы.

Ястрябчан.

Піеня.

Лемковщыно наша — Лемковщыно мила
Чом Ты своим хлібом зрадников кормила
Зрачник — украинец наш крест зневажае
И руснаков лемков за бортаков мае.

Тераз его каждый гнедицька познае
Бо червень чепец на голові мае
Лемковщыно мила, лемковщыно наша
Окрутні Ты терпиш от того юдаша.
Чекай ты небоже, бо тя Пан Бог скаре.
Приде рускый бискуп, але аж по яри.
А як донас приде, посаду отбере
Возмеш торбу з украином до своей матери.

Ястрябчан.

НА ПРОДАЖ:

В Высові повіт Горлицы продаеся
8 моргов скомасованой землі
в одном кавальци.

Блиszych информации удіят на місци
в Высові управ школы Г-н Полошынович,
и в Горлицах Д-р Ярослав Сьокало.
Часть землі надаеся на будовляны парцелі,

Смерековец (повіт Горлицы)

Украинскый егомосьт в фелоні на музиці. Уж два разы писали мы о нашом „завязутом“ егомосьту Василіу Шевчуку, и его найблизшой родині, но теперішний „кавалок“ який втял он перевысшат своим оригинальностью и стилем всі варияцтва и безчынства яких дотепер украинскы „целибатники“ у нас ся допускали.

Выділ читальні им. Качковского в Смерековци рішил вже давню устроити в читальні забаву з танцами но откладэл то то двократно, бо заходили перешкоды. Остаточно приготувил все до такой забавы на свято Вознесения Госп. а особливо приготувил буфет. устроил селю, зэмовил музмку и пр.

Штобы унемс живити забаву в читальні егомосьт Шевчук на Богослуженю в церкви бесідовэл, што варталобы выбратися по обіді в поле с процесийом просити Бога о дощ бо посуха, лем не знае ци поиде, бо гварит — як можна ити с процесийом если другы парафияне будут в читальні танцовати.

Такым способом хотіл егомосьт Шевчук хытро — мудро зэпобічи штобы выділ читальні не устраивал забавы.

Але выділ читальні рішил зовсім слушно и розумно приготвлену уже забаву не откладати, бо каждый из членов читальні знае езуитскы хытрости наших „целибатников“ и каждый знал, длячого именно того дня захотілося „целибатникови“ процесий и молитвы о дощ. Не от тыждня — бо была посуха лем от двох місяцей и мал егомосьт час десят раз раньше ити с процесийом молитися о дощ, мал остаточно час ити и в найблизшу неділю (за два дни) з процесийом, а не именно як раз того пополудня на коли заповіджена была забава в читальні. По выслушаню Вечерні и молитві распочэлася забава в читальні.

Егомосьт зобрэл горстку своих сторонников и выбрался з ними в поле. Ходил он так з процесийом по выштыкых дорожках и стежках до поздной ночи, а ввечером, коли уж добрі змерклося, вернул до села и иде до читальні. Коли в читальні увиділи, што изближатся процесия перервали музику и забаву. Егомосьт однак хотіл выкликати авантуру и таким способом допроватити до розвязаня забавы. В той цілі по нараді з тымэ, котры несли коругви и образы ріщыл он припустити штурм на читальню.

Выдачы офензивну поставу егомосьця и его двора господзри дома, где была забава, Мария и Григорий Станчакы и члены выділа читальні вышли перед дом закрыли за собом двери от сіней дома и заступили дорогу штурмовцам. До штурму вывался першыи егомосьт и дал доказ великой козацкой отвагы, бо напэл на безоружну жену Марию Стакчак. Начал он вымахати над ей головом крестом и зарычал нелюдским голосом: Тебе Бог скаре, не будеш мала, што істи! В атаку за егомосьцем пошла его сестра, котра верглася также на Марию Станчак и доперва рішительна постава Марка Тымы и Петра Лозиняка, котры категорично заявили егомосьтови и его прихвостам, же до читальні их не впусьят, застрашыла штурмовцов и они отомли до перкви штобы зложыти коругви и образы.

Забава в читальні продолжался, бо потому лем матер егомосьта Шевчука прибігла под читальню и там штоси гдакала, но дѣтиска прогналі ею скоро.

Егомосьт бігал ишы того самого вечера з своима братами на постерунок полиции, жадаючы асистенци и заперещня забавы, но полиция зняючы, што читальня на устройство забавы має позволения от властей, не зэцретила а лем списала на місци протоколы о нападі егомосьта на читальню и справу передбл в суд.

И мимо того, што в читальні была забава, котрой не успіл перешкодити егомосьт своим нападом на читальню на другий або третий день упал в Смерековци и околичных селах обильный дощ. Видно, што забава в читальні не была Богу така страшна и обидчыва, як целибатники, котрый Бога злоупотребляе для своих политичных цілей.

СЛУХАЙТЕ ЕГОМОСТЬ ШЕВЧУК!

Если мыслите же забава в читальні то річ неморальна котру можна поборювати из казалници если ходит Вам о моральность в селі, то чом не зачнете от своей родины? Братя ваши ходят по селі на вечеркы общипуют дівчат и молодиц и водят чужых жен иа кратшы дороги по Магурі. Матер и сестры ваши научили сусідов таких проклонов, яких они в житю не чули. Младша ваша сестра сварячыся зо сусідами выставляла на них голый зэдок. Ци вы всего того не хочете выдіти?

Если ходит вам о етику то по што сами з братом крадете саком чужу рибу из рікы?

Ци мате вы якуси розвагу? Ци вы здаете собі справу з того, што фынатизуючы толпу и ведучы ею в фелоні с крестом в руках до читальні вы могли себе и цілу свою „процесию“ або осмішыти або довести до пролива крови.

СУСІД.

Отозва

ВЫДІЛА „РУСКОЙ БУРСЫ“ В ГОРЛИЦЯХ.

Знаме добри, же тепер тяжко жыти вшыткым людям, але человек культурнійшый, человек просвіщенный ищы прудше даст собі раду, ніж темный. О том перекунемся на каждом кроці. Дальше знаме добри, же в селі де сут свои селянскы интеллигенты ест ліпшый порядок: там и читальня и кооператив, ци аматорскый кружок сполняют свои задачи, чым приносят селу велькый пожиток.

Длятого отже выдїл „Руской Бурсы“ в Горлицях звертатся до вшыткых родичей маючих можность посылати своих дітей до школ в місті, — отдавати их не жалуючы выдатков на их просвіщене, бо тоты выдатки им сторицею вернутя, если их дитина вивчится „на людей“.

З новым роком школьным выдїл постановил розширыти свою бурсу и приняти до ней по невеликой оплаті як кайбольше селянских дітей, штобы дати тым можность аж и біднійшым нашим людям образовати своих хлопцев.

В нашей бурсі ученик мае запевнену добру опіку, добре воспытане и добрый здоровый корм.

Кто хце дати дитину на науку, треба уж тепер рішатися, бо познійше може не быти місця в школах так повшехных, як и гимназиях. Вступпы екзамены до I кл. гимназии и будут 15 червня, але поданя о допущыне до того екзамену треба вносити до 1 червня, залучаючы: метрыку, свідство щеплення оспы и остатне школьне свідство (або посвідчене школы до котрой тепер ходит, же скончит VI клясу народну з додатком поступом).

За информациями звертатися до „Руской Бурсы“ в Горлицях (ул. Сенкевича 24).

Выдїл Бурсы.

Братя Лемкы!

Знаме хыбаль вшыткы, же уж от штырьох роков истнуе в Горлицях Руска Бурса. Відомо Вам, килько труда и накладу грошей треба было на выпроцесоване а потом отреставроване будынку, зныщеного в часі войны.

А тепер, коли вшытко зроблено, выходит на верх нова пекуча справа.

Бурса мае так мало воспытанников, што цілый поверх мусіла вынаныти льокаторови, а тым самым затрачуея частично властива ей ціль.

Тому звертаюся до Вас, Братя Лемкы с просьбом жебысте по вакациях як найбільше дітей отдали до бурсы. Особливо относятся тото до Устян, бо чыж не встыд и ганьба жебы „столиця Лемковщины“ не мала свого репрезентанта в том чысто руском заведеню. Правда тепер на селі біда и кризис але иншы, може біднійшы от Устя Руского села посылают дітей до школ и отдают их до бурсы: з Ганчовы маме едного воспытанника, з Квятоня 1, зо Сквїртного 1, зо Смерековца 2, з Новиці 1, з Лося аж 7, а з Устя Руского—0 (не числю в том дітей интеллигентов).

Оплата в Бурсі не ест высока, а для способных и пильных учеников сут рижны знижки и облегченя. Напевно, якбы так добре вытряс кышені, тобы ся потребна сума нашла. Талантливых хлопцев в Устю не бракуе и знаме, же мают охоту учытися. Лем няньове потрясте кышеньом, а дождетеся потіхы.

Хочете, Устяне, мати другого діятеля на народной ниві як г. А. Гумецкий то не чекайте, аж Вам з неба впаде, але берте ся завчасу до діла, а за користь яку Вашым дітям принесе Руска Бурса, я наперед ручу.

Руский Бурсак.

Што чути в світі.

Тайный военный Союз Франции и С. С. С. Р. ?

В Парижі бесідуют о заключеню тайного военного договора медже Францией и СССР. Потвердження, або опроверження тых слухов газеты не подают. Ряд фактов однак каже додумватися, што отношеня медже обома тыма державами поправилися. Французский министр Барту недавно бесідовал, што Франция стремит до сотруничества з С. С. С. Р. В Москві выходит франуска газета, во вшыткых школах середних в Росии учат французского языка, во Франции перестали бесідовати о долгах, котры Росия мае Франции платити, в Москві открыли выставу французских образов и французску делегацию приняли барз сердечно. Таксамо Франция приняла сердечно советску техничну мисию, котрой показовала свои фабрыкы оружия. В честь офицеров французского генерального штаба уряджено в советском посольстві приняте. Вшытко тото вказуе што отношеня медже Францией и С. С. С. Р. затісняются и што може слухы о военном договорі сут правдивы, хоц ніт ищы потвердження того в газетах.

Нова фаза конференции о розоруженю.

Уж от двох и пол року радят великы державы над тым, штобы ограничыти вооруженя держав и таким способом не допустити до новой войны. Тымчасом Германия нич собі з тых нарад не робит и вооружатся як може найскорше и найліпше. Тота работа Германии непокоит Францию, котра хотілабы утримати теперешни границы и спокой в Европі. В остатних часах в часі нарад над розоруженьом держав пришло медже Англией и Францией до недорозуміня—котре прибрало остру форму и грозило розбитьем конференции. Доперва вмішательство турецкой делегации дало возможность вести обрады дальше. Польский министр закордонных справ п. Бек выповілся на той конференции, што Польша прийме в области обмеженя вооруженя вшыткы такы ухвалы, котры будут обовязовати вшыткы державы.

Зближене Польско-советске.

Сталый делегат Польщы при Лигі Нации мин. Рачынскый гостил у себе обідом Советску делегацию. В часі обіда министр Бек и комисар Литвинов отбыли долги нарады.

Во Фриденау (Германия) молочный торговец Вендт жыл зо своей женом в незгоді. Раз в часі сваркы подрізав ей и двоим дітям бритвом горло а потом томже самом бритвом зарізав себе.

Жена президента Рузвельта выголосила перед микрофоном бесіду на тему о положеню жен. За тото бесіду, котра тревзала 3 минуты — заплачено ей 3000 дол.

Опозиційны газеты выкористали тото и запытали ю, ци то справедливо, штобы жена могла зарабатяти по 1000 дол. за 1 минуту. На тото отповіла президентова, што жадна жена не може тилько заробити, кромі жены президента Америки. Тоты грошы она перезначыла на благотворительны ціли.

В Наталі (Полуднева Африка) еден муринский вожд зажадал от своих подданных, штобы дали ему живу чловечу жертву для приготовления з ей печенкы чародійского ідла. Нашли скоро хворого 10 літнего муринка, котрого отец продал за 10 фунтов стерлингов и 6 коров. Убито хлопца и приготовлено ідло. Английский суд, довідавшыся о том засудил отца и 6 людей на кару смерти.

До Москвы приіхал професор лондонского университета Гарольд Ласки. Он прочытат в Мослві килька лекции. Мае там прожыти 3 місяцы.

ПОЧТОВЫЙ ЯЩИК.

Управитель школы в Ванивці: Выказ книжок для школьных библиотек в школах на Лемковщынѣ покажеся з початком нового року школьного. Выказ такий укладат Кур. О. Шк. Краковского.

Газету высыламе.

РУСКЕ
КУПЕЛЕВЕ ЗАВЕДЕНЕ

Вапенне Эдрой

коло Горлиц

Купелі сірковы, боровиновы, муловы,
квасоуглевы лічат:

ревматизм (гостец) дну, болізни

женскы, ожырене и иншы. Ново-

отвореный басен, пляжа, тенис.

Сезон от 15 мая до 30 вересня.

Информации уділят дирекция Заведеня
в Вапенном.

KRYNICA-ZDRÓJ

Pensjonaty: willa „Karpacka“ i „Złota Brama“, centrum zdrojowiska, tuż nad deptakiem, w pobliżu łaźni i zdrojów. Bieżąca zimna-ciepła woda. Werandy. Dobra kuchnia, na żądanie djefetyczna. Ceny niskie.